

Paracetamol

O nisi o igoa e aofia ai:

- Panadol®
- Paracare®
- Pacimol®

E fa'aleoina o le 'pa-ra-SI-ta-mol'

O lo'o fa'aaogāina le Paracetamol e togafiti ai le fiva ma tīgā e aofia ai le ulu tīgā, ma gāoi ma tīgā tau i le KOVITI-19. E amata ona aogā pe tusa ma le 30 minute talu ona uma se inumaga, ma e masani ona amata lona aogā mai i le 4 i le 6 itula.

Afai e inu e pei ona fa'atonuina, e aogā lelei le Paracetamol. Peitai, e taūa ona 'aua ne'i sili atu le inumaga nai lo le inumaga fa'atapula'aina mo aso taitasi. Afai ua tele sau inumaga – i le taimi lava e tasi poo ni fa'asologa o aso – e ono fa'aleagaina ai e le Paracetamol lou āte.

O le inumaga o le Paracetamol



O fuāla'au Paracetamol e tele ona mauaina i fuāla'au pu'upu'u poo le 'u'umi i le ta'i 500 mg.



O le inumaga masani mo tagata matutua e 1 poo le 2 fuāla'au i le ta'i 4 i le 6 itulaga e pei ona manaomia mo le tīgā poo le fiva.



Ia fa'atali lava se'ia 4 itula e vasa'i ai inumaga.



'Aua ne'i inuina pe sili atu ma le 8 fuāla'au i totonu o le 24 itula POO le 4grams (kalama) i le 24 itula.



Fai se fa'amaumauga pe fia inumaga na 'e inuina.

E tele nisi o fuāla'au o lo'o iai i totonu le Paracetamol.

E iai foi le Paracetamol i nisi o fuāla'au meatīgā, taia i le mālūlū (cold) ma le fulū, Codral®, Nuromol®, Lemsip® and Maxigesic®.

Siaki ma le fa'aeteete mea o lo'o fai ai fuāla'au ma vaila'au a'o 'e le'i inuina.

Afai o lo'o e inuina nisi o fuāla'au e iai le Paracetamol i fuāla'au na, 'aua ne'i sili atu se inumaga o le Paracetamol nai lo le inumaga ua fautuaina i aso taitasi (4g i totonu o le 24 itula).

Fesili i lau faitalavai pe afai 'e te lē o mautinoa.

O le ova tagofia o inumaga fa'atapula'a o le Paracetamol o se fa'alavelave fa'afuasei fa'alesoifua maloloina

Afai 'e te iloa ua tele le Paracetamol ua 'e so'ona inuina (e aofia ai isi fuāla'au e iai i totonu le Paracetamol), vave telefoni lau foma'i, tausisoifua poo le Poisons Centre 0800 POISON (0800 764 766).

- 'AUA NE'I FA'ATALI i ni āuga o le ova tagofia o inumaga o fuāla'au ona e fa'ato'ā alia'e ua leaga ifo lou āte.
- O āuga o le ova tagofia o inumaga o fuāla'au e aofia ai le fa'afaufau (fia fa'asuāti) poo le fa'asuāti (pua'i), manāva tatā, sasama le pa'u o le tino poo mata, lē fia 'ai, fenumia'i poo ua matuā 'ivā tele ua lagona le fia moe.
- E pito sili ona tele se a'afiaga i tagata matutua, ma e tatau ona tausia ma fa'aeteete lelei.

Mo nisi o fa'amatalaga e uiga i le Paracetamol, asiasi ane i le [hn.org.nz/paracetamol](https://www.hn.org.nz/paracetamol)